



(25389)

陽城縣志卷之十

人物傳

山西省圖書館藏

01605

北齊

上官顯願仕北齊高氏官輔國將軍時東西割據顯願當一面

寇安民齊主以其有功敕儀同元雲祺營成周壁俾子孫世

之

宋

何漢榮深于韜畧端拱中為殿前承旨充澤州太行路巡檢

山西省圖書館藏
地方文獻

不識敦李藩等馬堪使... 先鋒屢敗寇加銀青光祿大夫檢校國子祭酒兼御史中丞侍
衛親軍時王超守定州有尾大不掉之勢漢榮與楊延釗共謀
扼其腕于高陽關超不敢逞乾興元年充山東山西都巡檢太
聖中遷如京使安撫都監迨去任終于覃懷傳舍... 元

鄭梟父名珪生而魁偉舉止異常及長武勇有力智識過人金季
喪亂率義旅鎮遏無敢犯境者上黨公張開知其才擢爲丘
提控觀鄭侯湘谷一流可溉屯城之田請于郡守霍公疏決之
民受其賜從事久積有助勞進忠昌軍節度同知元初命爲本
軍節度使時當大亂之後民多逃匿流亡梟以恩信招撫安集
之安堵如故

鄭鼎字國器梟長子幼孤能自立讀書知大義既長有勇畧善騎
射初爲澤路遠沁千戶從塔海組不屢立戰功遷陽城軍民長
官憲宗征大理國鼎每奮身力戰上壯之世祖申統元年以功
遷平陽萬戶至元二年遷平陽路總管平陽地狹人衆乏食鼎
導汾水溉民田千餘頃修學校厲風俗民德之十三年移鎮鄂
州夏五月斬黃三州叛鼎討之戰于樊口舟覆溺死年亦十有

程國追封潞國公改諡忠肅

鄭制宜鼎子至元十四年襲父職仍戍鄂州十九年征日本造糧
船洲地狹欲徙民居制宜不許改授寬地居民感之城中屢火
或言恐姦人乘間宜捕其疑似者制宜曰吾但嚴守備奈何濫
及無辜東征請赴敵自効上以其父歿王事止之子不誅請益
力乃命從以戰功授懷遠大將軍明年幸上都舊制樞府留一
員司本院漢人不得與至是以屬制宜遷湖廣叅政以籍沒叛
人財產賜之制宜辭上賞其守賜白金五千兩米幾拜內臺御

史大德八年晉地大震平陽尤甚制宜承命存郵晝夜倍道兼
行至則親入里巷撫瘡夷給粟帛存者賴之成宗素知其名眷
遇殊厚每侍宴輒不敢飲止察其忠勤賜內醞輒持以奉母上
聞之特封其母潞國太夫人十年疾卒年四十七贈銀青榮祿
大夫追封潞國公諡忠宣

鄭昂霄字顯卿鼎從子襲萬戶初就鎮見安樂堂處三軍者卑陋
下溼歲死者眾出私錢更諸爽塏撫恤士卒備至順元士官宋
隆濟弄兵從分省進擊功為多由明威將軍進懷遠大將軍建
立學宮延明師以教軍中子弟江北流民橫行鄂岳間親詣其

處散歸其民惟異刻執者...
靜江二十四寨右江岑世興侵棘州縣招撫賊定泰定...
西猫賊大起詔昂霄督師洞寨皆降天歷用兵拜湖廣行省叅
政改行糧副戰于偃師西兵數敗復湖廣叅政征蜀抵播州石
虎關蜀道通歸辭疾不允卒年六十子濤

鄭濤字子壽昂霄子襲萬戶江北河南寇亂巡綽湖廣似獲賊多
進明威將軍湖南宣慰同知副都元帥至正十四年從平章也
先鐵木兒于裕溪等處屢立戰功十六年除河東山西道宣慰
同知禁兵戢暴民頌其仁廉謂之父母焉

明

原傑字子英正統乙丑進士少力學器宇魁岸爲御史巡江西人
情帖服江西陳少傅德尊王家宰行儉蕭都憲維楨諭知傑合
詞荐爲按察使劾甯王奠培革其護衛肅清宿弊振舉頽綱墨
吏咸股慄郡守某怙勢貪黷莫敢發卒懲其奸抵于法轉山東
左布政使成化二年就拜右副都御史巡撫其地歲凶賑救民
無流移召爲戶部左侍郎母喪去位江西盜發詔卽其家起之
俾往督捕悉平敗左副都御史還佐院事荆襄流民數十萬朝
廷以爲憂祭酒周宏謹嘗著流民圖說謂當增置府縣聽附籍

爲編氓可實襄陽天口傳言有年無恙
之十二年遂命傑出撫徧歷山谿宜朝廷德意流民感然願
于是大舍湖廣河南陝西撫按官籍之得戶十萬三千有奇
州輕則定田賦民大悅相地勢增置州縣拓鄭縣城爲鄭陽府
置湖廣行都司益兵戍選官吏流入得所四境又安薦御史吳
道宏自代自是鄖陽始設撫治矣傑以功進右都御史將還朝
會南京兵部尙書缺以傑任之傑疏辭不許遂卒于南陽年六
十一郎襄民爲立祠詔贈太子太保錄其子宗誠爲國子生隆
慶中追諡襄敏

楊繼宗字承芳天順丁丑進士官刑部貴州司主事每閱囚許令
三日一櫛沐蘇活甚多決疑多所平反王忠肅翔薦知嘉興府
携一僕自隨署中蕭然如逆旅御史孔儒清軍按里酷虐多撻
死者繼宗榜市門御史杖人至斃者詣府報名孔大恨灑行突
入府署發篋視之敝衣數襲而已儒慙而去豪民張紳父子劫
桐鄉解絹論死上官張敦受賄思成其獄詰繼宗以失主曰朝
廷又詰以原告曰知府敦語塞而止時閩人多橫有織造秦品
者過遺以菱藕歷書不受而索金帛繼宗卽發牒取庫金曰金
具在與我印券品愕然不敢取海水爲患歲費帑三千金往治

文正一千金發石貫鐵... 察使數與中官張慶忤慶兄敏在司禮譏之上前上曰得其不
私一錢之楊繼宗乎敏懼遣慶書曰善遇之上已知其人矣擢
巡撫順天會星變上疏歷指中官及文武諸臣貪殘狀且請召
還中官出鎮者左遷雲南副使遂單騎入叛徭窟曰副使楊某
來徭大驚羅拜卒撫定之地產金三司使曰徵作器劬勅退之
宏治中轉湖廣按察居無何復以僉都御史巡撫雲南三司多
舊僚相見歡然旣而劾罷不職者八人未幾卒萬歷中追謚貞
肅子墳

楊墳成化丁酉舉人會試副榜由國子學錄爲德王府長史頗能
以禮匡正王及裁抑王府宦侍加正四品服俸卒

張綸成化辛卯舉人知陝西甘泉縣值流寇亂綸令子率民兵晝
夜防禦外請援兵嬰城固守以待賊無所得遁去民賴以安

田鐸字振之成化戊戌進士歷戶曹郎命賑蜀誤遣敕書謫遂州
知州州東有江洲八十二頃爲豪右所據鐸悉以還民建大小
二十四橋又鑿三溪山以便行旅御史行部至訝民無訟已乃
知無冤民太息去荐擢廣東僉事選四川叅議不赴以老疾告
歸正德時劉瑾矯詔旨鐸理廣東鹽法簿牒未明遽赴廣東未

咸道而謹或勸毋行
宋鑑學克期成化戊戌進士耿介不阿少有大志精為過人
通宵不寐人謂宋鑑眼初令無錫剛廉嚴正尤如意舉校擢山
東道御史執法不避權勢出知廬州斷不留獄法不徇人罔罔
空虛負負絕跡每行州縣孜孜問民疾苦時大司馬馬文昇子
守六安不職吏科周璽魚肉鄉民鑑斥之不少恕在廬七年治
績最著詩調慶陽居一載以內艱歸遂不出仕尤孝友常與弟
同寢食視姪猶子鄉評重之

張黻字廷儀成化甲辰進士初知靈壽清直簡默喜怒不形而剖
斷執法不少借民立祠祀之擢御史按陝西有重獄當刑前吏
畏避不敢決黻至立決之遷陝西副使所至皆以清白稱卒于
官箴中惟俸金六十兩而已憲長令各屬致賄始得歸葬

白鑑字孔彰成化丙午舉人生而穎異儻有大志初令文登政
尚寬簡以廉節自勵未幾以憂歸起補杞縣杞稱繁劇訟牒盈
庭剖晰明當治行稱最調漢陰值劉瑾擅政遂棄官歸瑾誅復
起洛南寬簡廉節三載告歸百姓遮留若失慈母居鄉謙讓寬
厚人咸德之卒年九十有三

王珪字邦器宏治己未進士初授刑部主事繼補戶部督倉能別

奸與晉刑部郎中... 南汝甯時劇賊劉六... 眾欲上功玳以賊魁未... 有賊黨汝人趙秀母... 六合兵來劫玳因得... 解送軍門犯功官吳... 榜亦卒不自言也歷... 執責使之誣不阿... 張軌字信夫... 如子知延慶時武宗... 守備孫璽周瑄... 姪恃之以事私相... 東廠處分人爲... 失其正當勦... 萊三載才守... 楊文寶... 田德...

南汝甯時劇賊劉六... 眾欲上功玳以賊魁未... 有賊黨汝人趙秀母... 六合兵來劫玳因得... 解送軍門犯功官吳... 榜亦卒不自言也歷... 執責使之誣不阿... 張軌字信夫... 如子知延慶時武宗... 守備孫璽周瑄... 姪恃之以事私相... 東廠處分人爲... 失其正當勦... 萊三載才守... 楊文寶... 田德...

郭吳嘉靖乙酉舉人選良賢重氣言笑凌遊不安容儀有度
用寬易言引次以微田與莊獄以補入枉縣舊供上官煤炭
吳請分派罰期以慰瀆民由是解三監司各不悅左遷懷慶府
教授卒于官禮部侍郎何塘請其墓第昌別有傳見文苑
張好古嘉靖癸未進士性剛毅有為不畏權勢初令元城時皇親
陳氏帖勢作威福好古執其第趣以法繩之被奏繫諸獄論靈
臺與復置獄令陞刑部主事嘗因川僉事先是陽邑均徭溢
額大爲民累好古奏豁民甚德之

李喬芳字南峰嘉靖舉人知臨潼治多延情不爲己甚案無留牘
而越訴者必懲一時推有司之良遷眉州知州

李彖號西谷嘉靖辛丑進士律已端嚴臨事詳慎令郃陽民狡悍
多通課多催科撫字並行流俗丕變以法誅豪強民有多除虎
之謠陞河間府同知晉河南僉事歷叅議副使叅政湖廣按察
使肅憲度恤刑獄以平叛人師尙詔功陞河南右布政轉山東
左布政平賦役節財用賑饑凶善績懋著計曹薦章數十上詔
加食一品俸告歸林下優遊十餘年年七十一卒

王國光字汝觀嘉靖甲辰進士初令吳江隣邑有疑獄來質稅

得情尋請撥封推兵部奏請改吏部
侍郎總督倉場隆慶四年起刑部左侍郎拜南京刑部尚書未
行改戶部再督倉場神宗即位遷理部事初戶部計三司自宏
治後以小暑臨惟郎中一人治事有莫濂奸國光盡命入署職
務得修舉邊餉苦匱請勅邊臣核實耗蠹遂損萬歷元年奏言
國初天下州縣存留夏稅秋糧可一手二百萬石歲用外計餘
銀百萬有奇使有司歲徵无缺則州縣積儲自豐永旱盜賊不
能爲災患今一遭兵荒輒留京儲發內帑獎至于此請行天下
撫按官督所司具報出入存留遺欠實數軍部得通融會計以
其餘濟邊制可京軍支糧通州候伺甚艱請遣部郎一人司之
各坐糧廳驗發无過三日詣軍使之本曹天下錢穀散隸諸司
漫無核紀請歸併各司責成遂爲定制三年京察再疏乞罷不
允明年仍固以請乃詔傳乘歸瀕行以所輯條例名萬歷會計
錄上之上嘉其留心國計令戶部訂正及書成詔褒諭焉五年
冬起吏部尚書陳采實政別繁簡責守令慎舉官停加納數事
皆允行尋以考績加太子太保在職六年爲御史楊寅秋所劾
落職已念其勞命復官致仕卒年八十有三

張昇字伯東嘉靖庚戌進士初令清苑多惠政擢戶部主事調兵

郎員外郎郎中出守... 泉水舊以灌田部使者嚴為漕禁民病之昇抗言非使禁遂... 民立祠祀之以比西門豹擢陝西副使改大名轉河南參政尋
告歸時年國光正學銓部張玉布衣交及姻婭不藉援也州守
許維新歎為不可及丙戌大疫疫死者枕藉昇延醫施藥發粟
賑饑全活甚眾平居與鄉人處温温煦育若不知有官者年八
十七卒于家

衛心嘉靖庚戌進士授宜陽縣銳意有為開渠灌田丈地均賦刻
流澤平賦一書永為宜陽留遺愛後調臨淄

李可久多子嘉靖壬戌進士初知唐縣歷河間同知遷山東按察
司僉事俱有政績中與上官柄鑿謫知華州擢南武選郎中晉
四川僉事自投劾去居鄉仁厚邑父子登制科者自可久始

粟魁周字汝元性沉毅寡言笑剛正不阿博學能文嘉靖己未進
士授戶部主事時畿輔大稔奉旨賑濟條陳方畧全活者眾又
督運清出江西浮糧若干陞員外郎轉陝西僉事分巡關西道
詢問疾苦興利除害平巨寇楊師古一方肅然轉參議隴右以
伉直忤直指某賦詩謝政歸邑故無志蒐羅舊聞裒集成書著
有秦中詩文集年六十七卒

楊樞嘉靖己未進士官給事終河南按察使小心謹愷寬和
居官勤職在商洛有擒鑛賊功爲人所掠終不自言
京儲一無所染指士論重之

王淑陵字之義嘉靖乙丑進士初任嵩縣令嵩故有鑛穴多巨盜
至則多方緝捕而又廉其渠魁署以把總勒令擒勦一時肅清
興學勸農法嚴而心慈民擬之子產肖像祀焉擢廷評轉工部
主事歷郎中河南副使湖廣叅政所至有聲致政歸每留心桑
梓條上利弊如擇里老以代收頭設倉吏以蠲斗級則最爲民
便者也晚年布衣角巾優遊田里

原一貫以明經官濟南訓導勤教誨恤孤寒士林重之

陳思伊字任宇父仲弟別有傳器度恢廓好義樂施常從賢士大
夫遊少棄諸生習武事歷官延綏遊擊將軍還里會有寇逼邑
境官募鄉勇屬思伊訓練之坐作進退莫不有法年九十餘及
見元孫里人艷之爲治匾曰五世一堂云

楊植字爾立萬歷丁丑進士性耿介與人不苟合初任益都嚴明
果斷夙弊頓革郡守每亢抑之不屈在任六年令行禁止吏畏
民懷擢大理寺評事轉兵部主事守山海關卒伍無敢闌出入
商賈使之轉刑部員外郎歷薊州僉事河南叅議遼東副使所

至稱能終養歸起補陝西道參議加意操
疾革家人雜贖錢檄手文移中檢而怒擲之居官三十年僅
屋數椽薄田三十畝而已

衛一鳳字伯瑞萬歷庚辰進士授刑部主事手定爰書廷尉無以
難吏不得因緣爲奸遷員外郎歷郎中出守紹興憂歸起補青
州政簡蕭旨指者欲中傷之巡撫孫鑣曰衛青州飲郡中一勺
水耳正如富鄭公之守青也乃特疏薦之擢鞏昌副使火直入
犯畫策禦之捷聞詔予金以終養歸服除補山東副使大司空
劉東星以河防多事請移道濟甯至則因勢利導塞黃家諸口

轉參政移青州擢應天府丞誅妖民劉天緒以右僉都御史撫
治鄖陽時秦寇嘯聚論以禍福望風解散去瀕行節省經費七
千餘鎰置庫中一毫不取晉南兵部右侍郎陞南刑部尙書改
南兵部尙書參贊機務戡叛兵之亂行伍肅然值魏瑞用事三
疏乞歸會縣令建瑞祠要其注名一鳳曰吾罷官正潔此身耳
可以此相污耶鄉居望益高卒年八十四贈大子少保遣官祭
葬子廷憲

衛廷憲登進士官戶部主事有能名遷部郎中出知淮安府亦以
清介爲上官所重卒于任所

白所知字廷謨幼清弱識見絕人目閃閃如巖下電十歲善屬文
萬歷壬午登鄉試第一人癸未成進士授禮部主事調吏部磨
稽勲員外郎驗封郎中調文選秉公持潔直聲達于宮禁會年
例事每春秋汰一二言官于外以示殿最給事中戴士衡者執
政張位黨也所知惡其儉佞竟以戴從年例張銜之會以憂去
張嗾戴以事誣奏罷其官遂杜門謝客垂二十年光宗卽位召
起太常少卿轉光祿卿晉南戶部左侍郎所至著清望練習掌
故動愜輿情時徵解不時軍餉虧缺兵欲于祭陵譟亂所知榜
部門先予糧一月停不急之請以給軍遂請召遷工部左侍郎
修慶陵工竣賜鎡幣晉尙書時百役並舉費以鉅萬計隨緩急
酌給卒無所絀已累疏求去賜乘傳歸復以三殿成敘功加太
子太保既歸不交人事究心養生家言食不兼味衣無統綺見
後生必諄諄教以孝弟謙謹爲立身大節卒年八十有六
白所行所知弟萬歷丁酉舉人性至孝母疾衣不解帶者逾歲任
肅甯知縣縣故多盜捕治絕跡調四川大甯清操益堅以疾卒
于官一棺外無長物其兄所學方爲唐縣令遣子迎之始歸葬
田立家字正國端嚴魁岸年十八始折節讀書萬歷丙戌成進士
任鳳翔推官丁艱起補開封皆明允多所平反陞戶部主事調

兵部典陝西試賢員外郎申學武選晉河南叅議分巡汝
陝西副使分巡商洛所至有聲轉河南道右叅政晉按察使
載考績加從一品服俸會註誤去未幾召視遼海改河南右叅
議賑荒積粟兩河德之以懃道不合時宜遂挂冠歸年八十九
卒

張志芳字廷芝萬歷辛卯舉人束髮儉靜如成人父喪哀毀骨立
三年不居于內侍母疾七晝夜衣不解帶初知陽信值歲大稔
設法賑濟召邑父老垂涕勸勉之所全活者數萬計上臺以其
政蹟刊刻成書名曰救荒實政遍示隣邑舉卓異除宿州陽信

父老赴闕保留不報號泣攀留不忍今官爲建生祠鹽使者張潑
扁其第曰天下清廉第一以內艱歸起補滄州改知景州滄景
當白蓮妖賊之變愚民蠢動單騎曉譬禍福率歸田畝境賴以
安又甦驛傳申保甲除羨耗三年獨居止二三蒼頭供朝夕一
日候漕使舟次失足墮水急拯出易衣中外皆巖惡布無寸帛
着體使者歎曰真清正人也特疏表異擢戶部員外郎奉命署
太倉甫兩月積餘米一千七百石奏聞賜宴旌之陞郎中督天
津餉親按權量三軍戴德賜白鏹吾僉事仍涖津門革船規卹
解官旗甲尤至加叅議焦勞拮据罄諸弊端璽書褒之曰守嚴

一介清畏四知士馬飽騰輒時至漢高用蕭相子闕中
委寇恂于河北揆之今日無多讓矣加陞一級進叅政積勞成
疾卒于官軍民間訃哀號數日爲建祠立碑
楊瀚字海涵爲人端方嚴直孝友誠幼聰穎才名擅一時遇試
每冠多士舉萬歷丁酉鄉薦初授甯遠知縣除土豪殲渠寇道
路肅然尋補長鄉邑素稱衝繁難治瀚揮霍有餘戢強鉏暴政
聲倍著民尸祝之晉南大理寺評事持法明允家居嫺睦寬忍
梓里感誦不衰云

王桂字高攀警敏宏達有至性總用失怙事母克孝朝夕溫清必
盡禮時長兄權秉家政貧無宿儲不以家務累及責令勸學喪
兄嚴正砥志攻苦不敢怠萬歷丁酉舉於鄉授靈寶知縣興學
勸農時三山大饑流離載道力請兩臺發倉廩仍多方設法捐
賑一時函谷諸城無不越境就食全活甚衆民立祠祀之陞常
州府同知主海運權政貨財蟻集水操自矢纖毫不染廉聲大
著以疾卒於官

崔時芳字冲寰性端嚴篤厚萬歷丁酉舉人初令華陰繼補平涼
所至清勤謹慎保民若子及同知鞏昌軍民咸樂依之解組歸
里與弟白首友愛樂育後進遊其門者多奉爲楷樞

西之鳳字儀虞弟之... 孝友知名不... 而... 之...
戊戌進士授真定推官聞父病棄職馳七百里省視得相見...
禮部郎奉命教習駙馬駙馬與宮中忤挂冠去之鳳疏爭當
時遣之副使潁州修芍陂賑饑民全活以萬計參政天津監軍
薊永號能任事擢陝西按察卒於官之龍嗜學工詩任袁州經
歷遷濟南棄去志甘泉石及卒貧不能殮著怡園草之鵬天啟
甲子舉人扶伯兒極還人哀其瘁有志河汾之學晚署河津教
諭旋歿於官平居造就多聞人著有詩文集

李養蒙字育吾性溫厚篤孝萬曆辛丑進士授淮慶推官稱祥刑
遷戶部主事歷員外郎中遷承天府知府所至廉惠人樂依之
艱起湖廣副使未任卒祀鄉賢

李春茂字震陽萬曆甲辰進士由行人轉兵曹補虛清冒軍政宿
弊悉除及藩臬秦楚募兵設餉鼓鑄轉輸具盡心力以濟時艱
遷順天府尹肅清輦轂彈壓豪強尋加右都御史里居時秦寇
蹂躪率眾築砦以居里人寇至幸無恙鄉人德之卒年七十五
楊樸萬曆丙午舉人知大興縣爲吏幹敏精核當世稱其有劉晏

才

楊新期字周卜萬曆丁未進士貞肅七世孫也初任項城縣調雍

邱補齋吾又調渭南凡四縣自弊釐剔清名獨著擢御史
論三案不避忌諱按湖廣興除皆切當年利弊復命謝絕竿牘
甚峻熹宗朝忤魏忠賢削籍崇禎初召還臺持憲紀者十三年
衣大布飯脫粟不媿祖風

王用士字旂召上世徙自太原登萬歷己酉鄉薦生而警穎凝重
事繼母以孝聞初令考城有隣邑子藉家勢爲奸暴者用士擒
其黨治之諸豪猾爲之伏匿以外艱歸起補靜海至則建義倉
清郵傳繕城垣濬河渠邑舊無志創修之三載績最會漕運覆
捐菽石臺司責償於靜正辭拒之曰秋水時至靜民何辜君其
問諸水濱臺司以語懇直無屬官體遂疏罷之卽日怡然就道
父老臥轍垂涕不忍捨旣抵里杜門謝客卒年六十有九

張愼言字金銘河南叅政昇孫也萬歷庚戌進士初令壽張調曹
縣清河並有政聲泰昌時擢御史踰月熹宗卽位三案事起愼
言上言不究張差黨與所以全父子之恩然必摘發奸謀所以
明君臣之義至崔文昇李可灼法當受誅反蒙賜金誰秉國成
一至於此無何賈繼春以請安選侍被譴愼言抗疏救之帝怒
奪俸二年天啟初督畿輔屯田上言天津靜海興濟間沃野萬
頃可墾爲田列上官種佃種民種軍種屯種五法又以墾入入

闕宜招集之以無家之舉不耕之田於計爲便從之
曹欽程所誣下詔獄戍肅州崇禎初召遷擢太僕少卿歷太常
卿刑部右侍郎讞耿如杞獄不稱旨下吏尋遣歸再召工部侍
郎遷南京戶部尙書七疏引疾不允就改吏部尙書掌右都御
史事福王卽位南京命慎言理部事爲勛臣劉孔昭等所忌乞
休得請加太子太保蔭一子峙山西盡陷於賊慎言流寓宣城
疽發於背而卒年六十九慎言少孤鞠於祖母及爲御史聞詠
引義乞歸服喪三年子履旋別有傳

張鵬雲字漢沖萬歷丙辰進士由商邱令爲刑科給事中挺擊案
起疏劾劉廷元直聲聞天下疏云張差持挺闖宮正東朝危急
聖祖震動之時舉朝有宗社憂卽鄭國泰亦有家門慮廷元經
視親鞠乃平平點綴插入風癩輕輕轉語復緣以點猜眼目顯
然伏案頗巧爲國泰護法爲龐劉卸身設心良苦而造謀殆不
可掩及提牢詰而風癩破文華鞠而欽案結倡國本正論者悉
斤徒察調爲張差報仇爲風癩結局不惟一時人材銷磨殆盡
而數載公論顛倒無餘皆廷元爲之也吏部尙書張問達覆奏
廷元始謫去鵬雲亦出叅議四川尋爲權璫矯旨削籍崇禎初
起禮科遷太常寺少卿晉右僉都巡撫順天安輯百姓彈壓勲

戚引疾歸當事誣以規避罷官性介不立名譽在言路持論侃侃退而焚其艸里居絕口朝政凡七年卒

張登雲號月亭鵬雲兄任江陰縣主簿遷遂平縣丞署確山篆廉介不染邑有解糧賠累之苦力爲革除陞京山衛經歷告歸先是赴銓掣得山陰吏詭以江陰易之同鄉白孕謙司寇曰宜急辨登雲曰總一簿耳若辨吏當何罪置之人服其量後以孫爾素贈刑部侍郎

王國丞字宗孔天啟間貢早慧名神童事繼母以孝聞父產悉讓異母弟家徒四壁立不顧也英邁不羈而精研經史初授河津訓導建五經堂課士遷萊州教授掛冠歸里

白所蘊字廷徵天啟間貢少有德器授嶧縣訓導三月卽乞身歸周卹睦嫻三黨咸倚毗之旣出家財佐軍興壬申寇氛初息時有被掠婦女流離道路所蘊爲給資俾歸鄉張大司農慎言曰衛司馬之服官白司訓之居鄉砥行礪節眞後進楷模初學易於從兄太保所知孝友文章一時推重與張尙書慎言楊刑科時化齋名學使校士三人必在甲乙間後之論者不以顯晦分軒輊也卒年七十二著有閣修錄北窓瑣言

盧時升字南征郭峪里人舉天啟甲子鄉試崇禎八年下詔內外

於舉貢監中各舉堪用者一人時拜用薦為濟源縣令
時流賊正出汲河以南詰戎防境賊不敢渡河歲大穰民聚為
盜者數千人勒兵殫渠魁餘解散去大獄百餘一曰了之幕府
交章荐調任縣縣新被兵至則扶傷吊死招流亡修戰守任以
治

國朝

石鳳臺性爽朗饒膽畧明季舉進士官至兵備副使順治初大兵
定三秦以鳳臺署陝撫俄而改湖廣叅議復遷陝西副使旋致
政歸時尙未老也縣當兵亂後有嘯聚者屯據西山中鳳臺一
口單騎竟入其砦開衷諭之示以禍福羣盜感悟並解散歸田
畝者五百人邑人自孕昌為文刻石紀其事

陳昌言字禹前前崇禎甲戌進士由樂亭知縣為御史敢言出巡
山東嚴戰守以禦寇尤多彈射追事

本朝用原官視學江南稱知人終養奉母范至孝與弟昌期友愛
家無分財昌期亦父事之築菟裘以待予告泉石間怡怡如也

諸題先草山中集詩集卷之元學於家
亥進士選庶常性樸素有文名承重歸卒於家

白允謙明崇禎癸未進士選翰林庶吉士入

國朝由內院秘書檢討歷侍讀學士累至吏部侍郎晉刑部尙書
以議蘇松巡按王秉衡獄不稱旨左遷太常少卿旋擢通政使
乞歸卒年六十九

張璿字伯珩資穎異絕人讀書一過不忘自爲童子至提兩宮僅
五年皆一試卽得其成進士爲明崇禎癸未科年始二十且初
授原武知縣擢御史出按四川已而巡鹺淮揚潔己自矢清剔
引鹽之弊晉大理丞歷順天府丞大理少卿工部右侍郎以兵
部侍郎都察院右副都御史巡撫陝西飭法紀絕苞苴官吏望
風畏懼未幾左降福建督糧道以疾卒於官

張爾素字賁白順治丙戌進士性孝友和粹自庶吉士補編修由
左春坊諭德出爲江南叅政遷陝西按察使再遷湖廣布政使
時楚當荒亂之後土風衰敝爾素爲立書院以教之入爲通政
使晉刑部右侍郎俄轉左侍郎乞歸卒家貧儉一如寒士云

衛貞字伯始順治丙戌進士知商城縣縣界吳楚之交明季僉
伏莽居民鮮少田野荒蕪貞至一意與民休息身入賊巢諭以

禍福感泣願爲良民擢工部主事遷員外郎
白稱改監察御史巡按江南彈劾方面太吏之不法者再與各
郡情形爲八弊四害上之會海警論失守官從輕被逮已而得
釋終於家

賈益謙明天啟甲子舉人初知雞澤縣善聽斷邑稱神明遷兵馬
指揮擢大僕丞累官戶部郎中出督延綏餉有大官欲奪其權
者益謙曰若奉敕我亦奉勅何相干之有人壯其言使竣晉階
四品予一子蔭再領徐州倉以疾卒

王崇銘明時舉人入

國朝知永年縣擢戶部主事歷郎中出知處州府以撫寇功晉福
建運使大兵入閩需舟楫臺府檄崇銘司之不數月而具衆稱
其能然崇銘力亦殫於役而遂卒也

趙士俊順治丙戌進士知荏平縣撫綏流亡民漸復業時巨寇負
圍鎮兵不能制士俊懸賞購之雖不得賊人咸壯其意以與旨
指使者左爲所劾去官

田六善字兼三順治丙戌進士知太康縣擢戶部主事連出主關
樞由戶部郎中遷御史改給事中六善爲御史時屢上奏言事康
熙初方用兵或假爲軍食籌計請天下士試郡縣有司者計入

白金卽得補諸生如後奏爲國子生例廷議已允行六善
章力爭爲不可士論避之累遷順天府尹時發帑金買米京師
米價爲之騰湧人皆皇皇六善上章請罷之尋晉工部侍郎改
戶部出視河工旋轉左侍郎以老致仕卒子澗舉人沆登進士
中書舍人灌以舉人知廣西荔波縣有治績官終兵部職方主
事澹貢生陝西金縣知縣

田七善順治己亥進士連知合江狄道縣康熙中逆藩吳三桂反
岷洮隴蜀地多陷沒七善潛走歸大將軍靖逆侯幕下幕府爲
上言不污賊狀得內擢吏部主事無何足疾自引去

王用傑歲貢生順治三年知澄城縣時寇攘未靖請兵親勦執賊
魁康姬衛戮之餘就撫四境帖然乃復修廟學葺衙署澄邑始
復舊焉

楊榮序字半嶠進士有詩才初任慶陽推官順治十七年遷知桂
林府多惠政屢去復知平樂府人不敢干以私奸猾多羅織猶
矜肆吞噬或至鋌而走險榮序廉得實蔓詞概不理獄幾空庚
戌疫出貲注藥活者數萬三權關稅正額外不妄取修廟學葺

府署繕城垣號粵西循吏

本名榮蔭
改榮序

陳廷敬字子端世爲邑之郭峪里人祖經濟州諸生父昌期拔貢

生皆別有傳母張夢...
登進士選庶常授秘書院檢討假歸奉母四載還補官轉國
子司業遷侍讀明年復設翰林院改侍講擢詹事尋遷內閣學
士充講官掌院教習敷陳剴切講畢即侍內直以爲常母喪去
位服除遷禮部侍郎仍典書局在部絕請託禁饋遺諸曹肅然
轉吏部侍郎仍兼學士職

詩命督理錢法爬梳積弊竟局無敢冒一錢者擢都察院左都御
史時議以旗兵屯外城緝盜賊御史李時謙疏言不便部議非
之廷敬力陳李時謙言是事寢以俗尙奢汰吏多貪濫疏言貧

廉天下之大閑奢儉貪廉之根柢不儉不廉至饑寒切身奸宄
卽起乞詳定官民冠服婚喪之制疏凡數數上皆國計民生之
大多允行焉糾雲撫負餉至九十餘萬丰采峻肅中外憚之轉
工部尙書歷戶部改吏部望實日隆然性亢直始劾雲撫所知
咸危之楚撫獄起忌者以姻婭牽連鈎致無所得而止因引辭
以原官解任仍書局自隨越二載起總憲復爲工部尙書改刑
部引律斷獄不爲深文外憂去官服除七日卽調吏部時銓法
吏作奸臨選駁人到部誠當駁者先呈稿弊不得行桐城張祖
國致仕癸未四月拜文淵閣大學士兼吏部如故以內閣兼直

處密勿地敬慎自持六載屢疏乞歸優不允明年四月
疾終

賜紫秘器一具賻銀千兩

御製輓詩遣皇子臨奠加祭一壇謚文貞令行人護喪歸薨年七
十有五九歲時嘗賦牡丹有要使物皆春之句迨入官恒恐天
下不蒙其澤嘗荐戶部郎中王士禎戶部主事汪琬皆入翰林
靈壽令陸隴其清苑令邵嗣堯晉擢御史屢與文衡得士如馬
世俊金德嘉張瓊王式丹極一時之選著有午亭文編五十卷
午亭歸去集二卷子謙吉豫朋壯履豫朋別有傳

陳廷棟字素心生而穎異性孝友有濟物才處家庭間恩義兼盡
凡撫孤濟急賑荒莫不引爲己任縣行戶向納羊羝狐皮不勝
其累力白上官革其弊又私出粟行朱子社倉惠更溥令武安
歲辦漕米百姓負戴舟次廷棟令戶胥賚漕銀赴河干易米土
兌民便之俗健訟好闢多方化導民風丕變有耿青天後陳晉
天之謠去官民感慕建祠名一錢亭工鍾王小楷著南游草歸
田詩錄祀郡鄉賢

陳廷辰大學士廷敬母弟長於詩以明經司訓太原葺學舍督生
徒郡守下其事爲二十七學所式繼補平陽訓導遷廣東欽州

僉判上官廉其能俾攝永安西寧新興和寧等縣象成理尋轉
湖廣鄖陽別駕鄖爲衝要地軍餉取給各屬浮漢達江頗多險
阻乃請折價就近採買既省裝運又避江濤軍民稱便視守篆
通渠水灌民田三千餘頃興國有滯獄久不決守因罷廷展一
訊立辨陞羅定州知州百廢具舉羅民德之未幾第廷弼來叅
議轄此州引例避次興安卒

陳廷統字與可授四川成都府通判內遷大理寺副陞刑部郎中
擢湖廣辰沅靖道時紅苗蠢動衆數萬率缺脛善緣壁蜂擁先
登鎮筸城中兵不滿數千皆老稚不可用而富室某甲等潛與
賊通約爲內應是時事起倉卒武士皆股慄不知所爲乃從容
指揮諭以禍福捕某甲等戮之懸首城上苗引去乃空壁尾追
大敗之師旋市井宴然若不知有兵革者尋改福建延建邵道
爲政不務苛細臨大事有高識遠略所任在在稱治延平據入
關上游素稱繁劇廷統剔釐奸弊寬恤人民以吏議去士民嘆
頌有攀援流涕者強年致仕縱情烟霞詩酒間著握蘭草桑乾
集鎮筸邊防未議

陳廷弼字苟少自幼穎異受業於家兄文貞相國學益粹喜讀左
史行文獨出機杼授臨湘令清丈民田積弊盡除改澧州刺史

禮故多淫祀乃核祀典所不載者咸毀棄之調桂陽桂陽僻處
山中苗獠屢叛開誠布公夷爲貼服尋內擢百姓攀轅流涕送
之遷粵東糧驛道益勵清節先是各屬糧米有派費名色悉去
之修倉三百餘所積儲如法樂昌北接彬陽水道多險叢山壁
立怒濤洶湧每有覆溺之患延弼委令鳩工平治四百餘里成
坦途粵田強半瀕海築長堤資捍衛民皆德之著澧陽清田錄
王屋山莊詩鈔

衛立鼎字慎之康熙癸卯舉人初知盧龍縣行取戶部郎出知福
州府年老用原官致仕立鼎之在盧龍也時于清端成龍方巡
撫順天舉畿甸廉吏以立鼎名第一魏大司寇象樞巡察畿內
至盧龍立鼎治具以待司寇不食唯啜茗而去曰令飲盧龍一
杯水吾亦飲令一杯水耳其爲當時所稱如此

張泰交字公孚父本諸生出遊竟不返泰交每誦孝經悲不能自
勝以家貧將棄書去學爲賈適祥符人都甫來爲令試邑童子
得泰交文竒之固勸令卒業遂以康熙辛酉舉於鄉明年登進
士選知雲南太和縣太和爲附郭縣民苦供億多流亡而兵率
驕橫十九占民舍居之至營於縣廷前令不敢問轉僦人屋宅
爲聽訟所泰交至吏請僦屋則曰令命於朝廷體宜署居何僦

耶卽直入屨中方視事兵來射於廷泰交喻使去兵輒不
令擒撻之後稍稍知戢於是均徭役整條理在縣五年廢墜皆
舉擢監察御史疏請賑山東饑巡視北城有李三者以怨殺人
而誣山東張乙獄已成矣爲鞠得其實反出之頃之視薩長蘆
改太僕少卿提督江南學政於學政任中歷晉大理卿副都御
史刑部侍郎使旋出爲浙江巡撫泰交在浙通下情持大體不
毛舉細故以廉平服人未幾遭疾卒

田從典字克五父雨時以篤行聞別有傳從典少遊學濟源聞父
疾急歸夜穿太行山徑崎嶇不避虎豹康熙戊辰登進士知
東英德縣盡除宿弊置田學宮教養人材英民愛之如父母行
取爲御史在臺凡六年兩巡西城抑縱除濫豪吏束手轉通政
司叅議由光祿卿歷都察院副都御史陟兵部侍郎仍兼光祿
寺凡八年鈎稽精詳奸弊不得行其任兵部選法嚴核意所不
可不爲面從著砭愚說以見志雍正元年總理事例

御書清謹公方四字以賜用示獎勵尋轉吏部尙書兼授文華殿
大學士四年以疾乞休不允六年三月復辭位乃加太子太師
致仕賜金五千兩公卿祖于都門行至良鄉驛而卒遣官護喪
還予祭葬如制謚文端

張茂生潤城人由父蔣廕歷任戶部主事轉員外郎中監糧在
翼興平倉以勤慎著母老終養回籍里居二十七載砥德礪行
建周程張朱五賢祠以崇正學設經蒙兩學延師以培後進修
橋路立社倉置義田歲荒設粥全活多人鄉黨區畫之事甚周
著有息齋詩文集所刻有朱子薛子要錄泊水齋類閣文鈔魏
敏果庸言陽城詩鈔等書卒年七十有二里人哀悼爲之罷市
陳豫朋字濂村康熙甲戌進士大學士文貞次子官翰林院編修
歷任福建鹽驛道八歲能詩文貞爲授杜律詩話居官清介自
守日課詩作文名重一時著有詩集

陳章懿字白村大學士文貞猶子父廷懌武安縣令章懿康熙辛
卯舉於鄉選涑水令丁外艱服闋補杞縣令杞濱大河堤工衰
延千餘丈歲儲菱木竹石向例皆取諸民加賦常額外力請上
官免其儲賦如常額會黃河澄清蒙

恩加級旋署理祥符睢州擢陝州直隸州牧格于部議尋因事罷
去後復補直隸晉甯令邑爲古大陸澤地南泊水勢窪下每川
溪漲發輒爲患章懿相度高下挑引溝渠導水歸壑涸地千畝
有奇民大賴之其他興學造士安良去莠多此類旋以年老告
歸兩任邑宰以實心行實政杞民爲建祠立石著關津詩集

田懋字德符號退齋文端相國之子聰明癯正十歲通周易詩書嗜吟詩爲文得蘇韓風骨守父庭訓飭身勵行鄉黨以賢孝稱雍正十一年由蔭生授刑部員外郎遷郎中轉御史乾隆元年遷禮科給事中巡視南漕疏言巡漕御史向萃處通州淮安漕艘由南運北二千餘里鞭長莫及不若分駐濟甯天津可接續稽查從之時居言路彈劾不避權貴一時有白面公之目尋陞副都御史赴山東察審按察使白映棠出入人罪及虐累商民狀鞫實抵罪某相國有弟不法勢張甚見聚婦者艷其色攫歸婚者訟于

朝懋往察辦携一僕避供迎僑于旅店得實一鞫正法連擢刑戶一部左右侍郎時吏部尙書訥親奏截取舉人年力衰庸者請停其銓選令甄別後學習一年將堪勝縣任者入班選用否者替疏言詳辯仍從舊例時彈章過繁忤

旨罷令回籍閉戶讀書二十六年迎

駕五臺

賜母錦悅增禧額緞四匹歸構別業栽花種竹奉母郭大夫吟居焉力盡孝養號曰依園續修縣志三十五年卒著有易庸辨卦變春秋考實格物解古文四卷依園詩耐忘集蒙求摘要藏於

家子玉成由進士選庶常有文舉工詩乾隆間奉定回部
大閱及凱歌諸詩傳世

延青雲字果亭潤城里人邑諸生以貲補福建泉州蚶江通判短
小精悍遇事敢任有歐幅者閩海巨盜也屢劫商船狡詐善匿
屢歲不獲總督某親至泉州坐索搜捕無踪文武官坐此獲戾
者數人青雲偵知賊處具餼糧集壯勇銜枚夜往比至天將曉
幅開門欲逸青雲督壯勇生擒之案定擬死卽以所佩刀戮焉
張晉艷雪堂詩有歐幅刀歌卽其事也以功陞廈門海防同知

子君壽

延君壽字荔浦性篤實知山東萊陽縣剔奸弊清積牘有高金劉
三姓爭堤起訟三十年未結君壽至一訊卽明人頌其神後緣
事罷官萊民伏闕請復格於例不行越二年開復選浙江長興
縣初莅任多以訾卽輕之及觀其政事文章皆敬服丁艱服闋
還安徽五河縣邑小政簡公退同姜鬱生張雋三輩詩酒倡和
有白香山風趣著六硯草堂詩文集行世子三長賞拔貢工詩
次常歲貢次棠乙未登賢書除解州學正文字外無所好著春
秋補義論孟史通易註四書廣義芻蕘碎語詩古文集
張敦仁字古愚潤城里人幼聰穎博覽羣書乾隆乙未進士在江

西高安縣調廬陵縣當積玩之區行廉悍之政弊絕風清
松江蘇州諸府調江甯府署江安十府糧道任蘇州時值歲歉
民賣耕牛延生敦仁捐貲買牛來春得雨聽民取贖民甚賴之
授江西吉安府調南昌未數月署吉安某上吉安及狀撫軍奏
敦仁以兵討之敦仁請單騎往吉民聽命訛得情知爲私鬪抗
彈之故赦從輕又江西多會匪肆行劫掠富民爲保家計多附
之而不隨行劫時撫軍緝盜盜逸拘良民發首府審辦敦仁察
其冤盡釋之簡放雲南清軍鹽法道剔弊釐奸鹽政肅清服官
四十餘年仕優則學不惜重價購書一時名士如鄭夢卜周慶
庵皆出其門著作繁富白下兵燹後什無一存惟爾雅圖考算
書尙有藏者年八十二卒子薦業由副貢中丙子經魁授海豐
令次子葆采亦由副貢領乙卯鄉薦歷任伏羌和平台皆有政
聲工書法好貽穀諸生學淵博時稱經笥著有太行考葆采著
六經摘要

郭兆麒字麟伍懷古里人孝友耿介博學工詩年十四應童子試
時功令始加排律蔣時菴學使擊節嘆賞許爲三晉詩人乾隆
戊子舉於鄉以大挑授舉亭知縣政聲卓越調署雲縣孔道循
繁去古北口百里會

聖駕東巡以事和

旨恩獎賜緞擢滄州刺史所任皆水陸要衝民刁益熾兆願官廉

交濟舊俗更新奸民滅跡後因事罷官著梅庵詩鈔

王璠字蓬山號楓船幼而好學刻意下帷不爲貧累賜冠登賢

書成乾隆乙卯進士授檢討元

國史館纂修性至孝父母迎養京邸甲子

篤幸翰林院預宴

則使一方雅搗珍羞奉親旋丁母憂哀毀卒於家著有賜觀堂詩

稿

劉湜字持正虎川卑人世居潤城鎮嘉慶己巳進士知河南武安

縣時滑縣教匪初平餘氛未靖甫下車編戶口嚴保甲盤盜賊

匪皆攝跡去由卓異歷署南澳直隸廳太平安慶池州等府癸

未夏江南北大水郡邑多被淹沒湜悉心籌畫於帑餉未到時

飭各屬具糗糧並勸富民出粟濟貧冬復捐廉爲絮衣費故貧

民集城下者數萬得帖然無事因平反休甯民人潘玉昆案坐

罷起補廣東連山直隸廳同知連山地寥闕民猥雜處難治服

湜寬嚴互用曲體輿情在任四年以廉能稱第灝字特舟性恬

澹嗜學工書數音不售挂帆南海有出塵之致著廣月軒集

田體清字鑑塘化源里人性嚴正讀書破萬卷嘉慶戊辰進士官
湖南益陽知縣聽訟明斷人莫敢欺甫下車兩姓爭產搆訟各
執萬歷年印契真偽莫辨經數任不決體清審視曰乙某契書
缺筆歷字避

廟諱此後造之僞契也曲者默服益陽民咸頌其神莅任三年案
無留牘吏治肅清後去官歸里主講仰山書院講學至老不衰
迄今士子猶思教澤焉

張林字扶春道昌孫以舉人大挑授山陰縣訓導冷官下帷學益
富道光戊戌成進士官廣西招平懷遠知縣政聲卓越咸豐初
粵匪肆逆軍旅繁興調糧臺在軍務日不遑食由同知陞柳州
府知府恤兵愛民廢無不舉以軍務疲勞卒於官筮仕三十餘
年囊橐蕭然貧不能葬鄉里哀之

衛浚都號淇園通濟里人才清學裕工書法嗜吟詠嘉慶癸酉以
拔貢舉於鄉補河曲縣訓導至卽纂修縣乘振興學校士風丕
變捐金補修學宮士民頌之俸滿保陞甘肅徽縣知縣任未三
月引疾去州牧慕爲名宿延爲秦州書院山長實心訓誨旋里
後種菊吟詩復主講宗程書院門下皆名士晚年好靜鈔書盈
架著草草吟草行世

王適昭字介明瑤臺次子三齡失怙母舅明經銜象植授以
之成立性少鈍而攻苦讀書以魯得之道光丙申成進士授翰
林檢討筮仕五年分校禮闈者三次轉御史旋以終養告歸孝
友之稱鄉黨無間言母歿哀毀過禮患目疾者終身咸豐三年
粵匪攻圍懷慶奉

旨團防適昭督率鄉民皆自備口糧嚴守各隘如是者數月賊西
竄經縣南鄙百餘里不敢闖入事聞有倡辦團練著有成效獎
語寧郡教三十年一時名士多出其門年七十卒於家

劉作霖字雨蒼沁渡里人性剛方博學嗜古爲文峭兩司教鐸
所至培植士類任吉州時有諸生某貧甚負徇民金徇民逼齋
其妻女將從之作霖聞之言於官痛懲徇民出已貲以償其債
時歲歉有司徵穀還倉飢民阻撓羅織諸生五人幾成大獄作
霖力辨從末減士民德之著凭山堂課藝自怡悅詩集子三人
長瑄華次 昂華皆膺鄉薦瑄華司鐸翼城有左癖工寫竹詩
文亦清矯不羣

延彩字紫筠潤城人才敏學富游學四方道光甲辰進士署永清
令甫下車登遭蝗旱具暑督捕備勤務期淨盡民害悉除積勞
成疾補博野未任卒著簡齋詩草一藝堂文集

劉丙字石久初名溥潤城里人由副貢授繁峙教諭保陞安徽舒城令甫到任值粵匪滋亂大江南北軍書旁午丙接辦兵差軍旅無譁商民不擾上憲論其賢調懷甯首縣時霖雨決旬濱江一帶壩田衝決立籌數千金雇夫護救立風雨中七晝夜補塞無虞補宣城值水災後蝻孽叢生親率萬餘人日給口食百法捕滅歲大熟宣民德之陞同知去後任某辦漕未善民洶洶聚爲變撫軍委丙馳勘卽時解散完納遂懲首惡結案署太平府會江水暴漲淹斃人民撈救掩埋以數萬計時請帑未至捐廉賑濟全活甚眾是歲麥秀三歧人以爲瑞舉卓異引

見後以知府陞用在省獄獄以平反冤獄著名咸豐三年粵匪竄入九江奉檄江北防堵省垣陷丙安撫難民風雪申不勝其苦積勞卒于防所工隸篆與錢十蘭伊墨卿齊名

陽城縣志卷之十

人物

忠節

明

田世福字德陽贈中丞士珍第三子少孝友善屬交崇禎戊寅歲
貢司訓平陸再任湖廣宜城值明季盜起襄陽被害尤甚一日
賊大至世福隨宜城令登陴共守已而城陷世福罵賊不屈死
張履旋字坦之尚書慎言子諸生時師袁繼咸崇禎十五年舉于
鄉事嫡母粟生母田曲體兩宜號稱隱孝善繼志常構砥柱草

堂以擬父所築同閣甲申寇至陽城陷勸詣平陽履旋作書請
親訖仰天歎曰吾大人不爲亂臣吾豈爲賊子乎奮身投崖死
崖卽所謂砥柱斗削不易上深險可四十丈事聞贈河南道御
史著靜音堂集

張嘉瑞天啟中貢士任遼州學正崇禎四年賊破遼州嘉瑞死之
張慶雲天啟丁卯舉于鄉遇寇不屈被害事聞贈承道郎

延人秀邑諸生貧而業醫且好學賊老獬獬等至與村人拒守被
執叱之跪人秀曰我向不爲他人屈乃跪賊乎賊怒斷其臂而
殺之

王徵俊字夢卜天啟五年進工授韓城知縣崇禎初流賊來犯禦
邾之坐大計謫歸德照磨巡按御史李日宣薦于朝給事中呂
黃鍾請用天下必不可少之人亦及徵俊乃量移滕縣知縣累
官右叅政分守甯前以憂歸十七年二月賊陷陽城被執不屈
繫之獄士民爭頌其德賊乃釋之抵家北面再拜投繯卒
張騰雲個儻有節概崇禎五年流賊至陽城騰雲結鄉之義勇團
保固守會天雨堡潰衆陷泥淖中不能抗賊遂被執死之

朱廷壻崇禎癸未進士時天下大亂遂還里明年賊劉芳亮據澤
州廷壻方家居會同年生州人王緒宏就之密謀爲破賊復州

城計同心仗劍率義士門徒東竄...
笑至戰不利被執挾之降不從遂遇害時甲申十月四日也經
宏大罵賊亦被殺同死者沈陽知縣程接孟及弟式孟等十八
人

曹光祚白巷諸生避賊河西賊執之義不受辱抗節而死崇禎六
年奉旨表里

成惠人字不費諸生工詩類李長吉著有赤虬艸以寇變避南山
爲賊所執不屈死

馬任遠庠生當闖逆之變侵掠肆毒逼授任遠偽官在遠不從始
以白刃臨之不屈繼以弓弦縛置濕地三日夜終不屈其妻謝
氏恐賊逼辱潛抱幼女匿廁坑中糞穢沒胸頸伺賊縱火去急
出解任遠縛筋骸已攣曲不可復伸矣謝氏養夫殘疾以終身

國朝

王曰俞明末進士

國初知孟縣莅任方踰月李自成餘賊數萬至城下攻七晝夜曰
俞仗劍登陴督吏民固守已而大雨如注城遂破賊執曰俞使
降不屈死之事聞

賜諭祭旌其節

授上彩順治丙戌進士知汝陽縣以仁慈爲治上官交薦之
猝自山東來乘夜襲破沐陽郭入執上彩上彩以拳擊賊帥賊
怒剖其腹妻劉氏子公樞暨二僕皆死焉贈江南按察司僉事
蔭一子太學生

孝友

明

原宗禮景泰丙子舉人汝陽知縣剛方廉介世稱孝友

吳茂字德容成化時人母歿水漿不入口三日既虞始食蓋廬
舉啜粥地無水掘地得泉又有瓜生並蒂之異楊忠肅繼宗有

傳紀其事

衛瑄成化間青陽里民也母喪廬墓三年晝夜號泣常緇袒喪滋
味未嘗入口一日人或誣爲盜縣令召訊將刑之晝忽暝晦雷
電大震令心怪之有言瑄實孝子非爲盜者乃爲人所陷令立
釋瑄天亦頓響楊忠肅旌之以詩教諭劉一清立碑表其事
田祺夙以孝稱父歿欲廬墓繼母不可迨繼母卒乃結廬塚旁朝
夕哭奠以遂初志有穀生二穗之異正德間以孝子例冠帶

成靖寧初喪母幾不勝喪父卒毀逾甚結廬墓側朝夕上食若
年有白兔烏鳥繞其旁撫按旌其門提學使者張喬舉孝行具

于禮部以非制罷後竟續官王府教授

陳仲孝字忠夫性孝友母喪哀毀幾絕廬于墓側朝夕哭奠斷絕

鹽蔬三年如一日有白兔金雀嘉禾之祥人以為孝感所致嘉

田靖中以吏員任縣丞恪勤守職卒于官

于大復邑諸生少孤母卒廬墓三年知縣劉應奇題曰于孝子廬

墓處

陳思孟邑諸生仲孝次子父卒方在襁褓及長事寡母以孝聞母

卒亦廬墓三載

陳炳邑諸生思孟猶子父母早卒及祖母歿因叔廬墓移居祠堂

朝夕哭奠爾禫服哀毀成疾竟不起縣令立石道旁曰陳氏三

世廬墓處

田實粟萬曆中彝陵州巡檢處鄉敦厚吏治文雅母嫂雙節實粟

迎養署中孝敬備至其祇父恭兄概可想見撫遺腹孤姪不異

已子時論重之

原井田下交里民家貧甚稱貸鬻鬻不敢稍缺孝養母卒廬于墓

側竟以餒死鄉人哀之

喬彬字監周邑諸生善讀父書事庭闈以孝稱父亡奉母命尤兢

兢與弟朴友愛朴死彬對母不敢泣私居則涕淚沾襟哀不自

勝撫弟子女教養兼至備異已出及病將死猶以翁所遺
未及婚嫁爲恨有司旌其門

王鳳翔竭力孝養卽菽水必親進父母間出外信宿不寐候于郊
迎還始卽安生事死葬俱盡禮適飛蝗害稼過其田不食人異
之有司旌其門

衛吾良字完真京士博綜典籍積學有聞侍母疾湯藥必親嘗取
中帑廁踰躬自浣滌四閱歲不解衣司訓太原通渭王府教授
經其淬勵者多佳士著義經精解

李博邑諸生性至孝父歿方就殮忽賊至家人悉走避獨博守父
棺不去妻延氏自經博不知也須臾賊入疑棺有金而喪者僞
將剖之博叩頭求哀乞全父柩賊不從博爲所害

白金章含秀兄弟也崇禎末賊來陽城含章偕其弟渡沁水避賊
適與賊遇從索金含章出所挾與之尚不肯釋含章曰無已請
殺我弟尙未有子含秀爭曰一家衣食資兄請殺我捨兄賊感
其義並謝遣之章秀遂獲免

田自修事繼母盡孝與異母弟終身其居撫孤姪如子里人曲直
求折者正言不阿人服其公臺使者旌之

國朝

喬映伍字白山順治丙戌進士選庶常歷官左贊善事繼母
母至孝以繼母年高苦節四十年疏乞終養捧宮衣歡然入里
門朝夕視膳色養備至分田舍給本支敦厲名節著有白岩山
房集

張多學字覺初郭峪里人方重亮直不苟言笑巍然儒行碩德爲
學者師於親孝於兄弟友恭於友信兄多聞爲父所愛講奇疾
狼藉枕席問他人至不可嚮邇乃躬爲扶持臥起湯藥嘗而後
進後歿父以愛子故忽忽而病多學視氣聽聲隨事順體自潔
食飲飲食之卒賴以安與人接溫溫侃侃勉其善而遏其非被
容接聆警欬者薰猶水炭氣沮意消老屋二間藉書枕冊浸漬
丹墨元日除夜猶聞絃誦聲學者摳衣執經多所成就子于廷
順治己亥進士孫之麟康熙庚午舉人以子令永從封文林郎

白畿字彥卿允謙孫五歲而孤母王氏撫之性篤孝文辭藻贍以
恩廕中康熙戊辰進士授新貴縣令因黔陽道遠不克迎養抵
任三月即告歸里色養三十載母終年八十有三畿哀毀幾絕
服闋而卒年六十有七著有適園詩稿二十卷

田雨時邑諸生父三驅以行誼稱雨時善事二親尤孝謹性豪邁
尙大節初以文學教授旣連不得志乃棄閉戶讀書以理學自

任守道不屬當明季流賊逼陽城賊爭欲圍賊以緝捕而賊
色正之間者以比唐何蕃云賊之至也雨時攜幼子與其孤姪
走避山谷間已而勢迫恐不能兩存則棄子負孤姪以行及稍
定往求其子謂已死矣竟亦無恙遂携以歸然雨時絕不自言
人亦無知者至孤姪長始爲人言如此衆以是益重雨時他日
人有急雨時從容脫之亦不告其人其人獲免莫省誰所爲久
之始悟曰田公眞長者凡雨時之好行其德而不以自多皆此
類也後以子從典貴贈吏部尙書康熙中與同邑故戶部侍郎
田六善浙江巡撫張泰交同祀于鄉

白鳳振農民家無儋石儲事父玉帶色養備甘膳未嘗一日缺父
終九十餘士大夫見而改容以禮官給旌之

白如梅化源里民通邑悉欽其孝父疾祈以身代及歿後十載猶
蔬食不食菜果入冬不禦綿纈有綿定奇溫之痛公舉篤行長
官旌其閭

陳廷繼字孝章又貞相國胞弟性耿直樸略無華篤于孝念以諸
兄弟服官于外已乃家居侍父問安視膳不忍暫離父歿後任
國子監學錄以培養人材爲己任平生謙謹公正鄉黨重之祀

郡鄉賢祠

張煥懷古里民孝友根心秉質篤厚服勞奉養甘旨無缺
同懷不析箸以終其身

田宅中孝于事母嘗與其妻避亂山中倉卒聞寇至其姑在旁老
且寡宅中遽負姑以行不復顧妻及姑死爲葬先人之側以諸
生教里中館穀所入姊妹甥姪皆食焉人有過必面折之至改
悔乃已

賈曉邑諸生性孝不忍與母離嘗借其叔與兄赴試中道念母輒
還及母卒哭絕復甦者再廬墓三載人多稱之後曉卒方暑三
日始就殮面如生時有物自鼻下垂若釋氏所謂玉柱然者

喬于洙邑諸生居父母喪三年色常戚戚然與其弟相愛鄉里稱
善人

崔曉性敦厚友愛其父好施曉承父意荒歲賑贖鄉里兄遠客嶺
南久不歸其嫂病死遺子女各一曉撫長之而爲之婚嫁後兄
歸謝曉曉曰此吾分兒何謝乎人有負逋者積券五百餘金一
日盡取焚之年八十而卒

宋懷旺號杏邨至孝性成事繼母上官氏先意承志曲盡孝養五
十年來人無間言母歿哀毀過禮邑侯兩旌其門一日行優品
卓一曰厚德維風澤州太守畢宿燾邑令胡邦盛王正茂可訓

胡爲籍傅翊邦皆贈以詩表其行著尚古堂詩集五字在
字訓蒙草畢太守田少宰爲之序

于緝上佛人邑諸生兩試不售絕意進取以養親爲志父老病卧
牀緝日侍湯藥衣不解帶者年餘櫛沐俱廢至髮結不能理縷
縷盡落父歿哀毀骨立喪葬盡禮鄉俗爲之一變事繼母極孝
雖家貧未嘗缺甘旨母尋失明緝跋涉千里求醫弗愈每夕焚
香籲禱積歲餘會有老人求假館宿與之言知其能醫請治母
疾針砭初施障翳若失人以爲孝感所致云

衛方上字文林通濟里人寄居城西近鄉幼失怙哀毀逾節家貧
竭力營葬事母姬氏能色養承歡母病躬滌厠膾湯藥必親嘗
母歿慟幾絕水漿不入口三日既葬每月哭于墓數次鄉黨以
純孝稱因貧棄書費于河南西華縣適攜重貲北旋宿長葛早
行遇賊將劫之僕夫失措賊奪其一騾去頃賊復嘯聚從暝色
中見賊眾手持白刃忽驚墜聞人語曰此孝子也不得傷之賊
驚懼竄去已而洧川縣捕賊至賊物依然長葛令曰汝有陰德
耶何賊未傷汝而反遣兩驢也遣役護送歸舍有古槐老幹槓
屋上遭火將墜忽巨風吹落地屋椽賴以不燬人以爲孝德所
感有司上其事奉

旨旌表建坊祀忠孝祠

孫丕承號蓮亭通義里人少貧力學篤于孝友繼父綺業卒時大母與母庶祖母庶母皆在堂養藉薄田兼顧本生父母不足佐以舌耕婉請同居皆不應乃引咎自責學益奮舉于鄉仍申前說跪雪中繼以泣乃允即日重慈團聚二十年色養承歡內外無間言有司上其孝行撫軍梁萼涵奏疏曰承兩代繼嗣之艱辛始分終合備三而重慈之侍奉誼篤恩深抑且化導鄉里作成人材積學守貞嚴非義之求垂有道之範得

旨建坊人祠著四書經典十六卷春秋解一卷關張公藝百忍論

一篇

樞芸化源里人恂恂恭謹善事父母母早歿哀毀盡禮年十九父亦歿哭絕復甦者再後服賈豫州聞兄疾日夜奔馳數百里甫至家兄歿一痛幾絕弟樞蘭與二孤姪尙未婚娶樞芸俱爲定姻授室族中幼弱無依者亦盡力贖之年五十始得子允焯道光間奉

旨旌表建坊入祠

韓宗哲潤城諸生性至孝事親問安視膳色養備盡父執申病奉侍湯藥日夜不寐焚香告天誓以身代及父歿捨地大號一痛

而絕里黨哀之
田鏡字鼎臣化源里人天性敦篤八歲喪父哀毀過成人事孀母
尤孝母病奉侍湯藥衣不解帶終年陰籲天祈以身代及卒悲
慟幾絕兄鏞早亡子既需爲邑諸生俾承兄祧悉家政委之數
日必詣父母墓前剪除荆棘培壅封土種植松柏時加灌溉鄉
黨咸稱其孝人無間言

白雍泰字景堯崇董里人天性孝友日侍庭幃先意承志父患病
醫云非人葠不愈貧不能購聞析城產葠焚香告天往尋於茂
草中數日乃得歸而進之果愈母以朝夕哀號祖母力止之少
節仍時零滲不止事兩繼母尤孝里人有薄其母者雍泰歸之
婉勸其子卒以孝終嘉慶丙子赴鄉試父以八月望日卒歸哀
毀異常水漿不入口者累日以中秋爲父忌日終身不復鄉試
學問淵博廉隅自飭晚歲主講仰山書院著有詩集末梓道光
初里人舉孝廉方正得

貢授六品銜

顧維翰化源里人嘉慶丁卯舉人性孝友早失怙事母能養志授
五臺長治訓導母愛憐少子罄宦囊與弟以慰母心家無僮后
儲裕如也鄉里以孝稱從姪鎮嘉慶癸酉舉於鄉署四川樂山

令以廉愛聞改就永甯州學正訓迪得士心性亦孝友待異母
弟無間言

衛象權號蓉江方士子早失怙奉母至孝家居近鄉弱冠時萊城
就傅三日必省親數年如一日學問淵博所授生徒成名者三
十餘人其甥侍御王通昭兄弟少孤賴其飲食教誨卒致顯貴
以母愛弟象杓將家產盡讓與弟來城購屋舌耕奉母恬如也
士林重其品行奉爲矜式以明經終舉鄉飲大賓

張樹楷字子模潤城里人沉靜寡欲母歿哀毀骨立事父益謹先
意承志務得歡心咸豐三年秋髮匪由平陽竄潞城誤傳由玉
齊河入縣境潤城居民逃避殆盡適父病垂危仍愉色奉侍不
敢露驚懼狀及歿葬盡禮不取資於弟里人義之以孝友家
風顏其門

文苑

元

衛元凱字舜舉性清介有學行積書盈室恣覽其中元統間登進
士嗜學砥行以終

王翼字輔之性穎悟勤於學八歲能屬文既長日誦千言應進士
舉因感疾遂留意於醫尤精於易占無不應誦古今才人詩得

句法自著有古律詩三百餘首長短句三五韻古今古人詩法
王演鄉貢湖廣通城縣教諭爲鄭泰政昂霄門客蜀士王履有家
藏三禮圖患傳布不廣勸鄭捐俸刻之家塾碑版文字古雅有
體逸詩刻石翩翩有致足爲文士之秀

明

李經成化己丑進士爲御史終陝西副使才敏工詩碑碣諸文多

出其手與沁水常評事倫同時齊名

同時有澤州李經正德甲戌進士官四川參政別是

宋之范嘉靖間以明經任深澤尹有雋才工詩文翰墨

郭昌嘉靖庚子舉人熟於掌故篤學能文後進咸票教訓不仕竟

賈志歿

王讜字介石擅古文詞舊乘闕略讜廣採旁搜頗稱詳備以明經
授萬泉訓導遷府教授

白所學以明經司訓臨汾佐修河東志旁搜嚴核成一家言遷知
唐縣二年解組歸第所蘊亦以明經爲崞縣廣文好郵貧周急
人多懷之

白允昌所學子泰昌元年以恩選貢於廷卽棄舉子業學爲古文
詞以著作爲事尤精於醫著蘇譚容安齋詩文集夢解叢編及

論醫洛數十年其老其醫其德其學其文其行其志其
由象庚字襄福充昌子篤孝友少嗜學一時有藻博之譽早卒從
父司寇充諱銘其墓大司徒張慎言爲之傳

賈之龍按察使之鳳翁博學工詩文仕江西袁州幕僚公餘手不
釋卷日與其人士篇章相和旋移濟南府卽乞歸爲提學袁繼
咸所禮署其門日義皇上人之龍弟之鵬以舉人爲河津教諭
性强記好談究詩文與兩兄並稱

原體蒙崇禎乙卯副貢福建邵武知府長於吏治讓產與弟素有

詩名

國朝

楊時化明末進士官行人精鑒賞甲子分校京闈尤稱得人金聲

唐九經皆其所拔遷給事中劾高平令某貪虐反爲所噬落職
國朝徵補舊職歷禮刑二垣又坐劾平陽判謫浙江按察司照磨
卒貧無以葬後復原官好爲古文辭著有蘋園文集

崔正岳字二室少能文明末官蜀青城令順治初爲滄州知州清
慎絕俗吏職亦舉以內艱歸儉樸如寒素與人真率無厓岬見
者忘其爲官人也歿之日貧不能具喪云

王克生字孟禎順治丙戌進士初知沛縣賊團聚親詣其營散之

以軍供失帥意謫判許州遷知壽光請歸斥函龜無何卒於任
性喜書常購書至萬卷雖行游宴飲必挾一冊自隨人以書癖
目之著有懷古集

張毓中七歲能誦詩百篇明末舉人

國初任撫甯令歷刑部主事知鳳翔府時兵亂後毓中治以寬平
聲溢四境旋卒於官生平好客廣交游時四品得廕一子不子
子而與其姪人皆以爲難

吳起鳳順治己未進士官山東滕縣知縣起鳳初以諸生教授翁
子來學者甚衆多所成就邑士應舉者舊唯習周易不知他經
起鳳使治詩書由此經學漸廣有以毛氏詩夏侯尚書戴記春
秋雋於鄉者焉

吳天澤字商霖雋才工詩無意仕進伯兄疾與同臥起扶持之老
猶好學著書盈篋有南游草僅存草諸集

白象顥允昌子順治丙戌舉人爲崇信令減練餉攝靜甯州戢悍
民尋引疾歸里能文工詩千言可立就既歸益閉戶讀書丹青
成帙晚益逃於酒放於詩著有懷觀堂文集

白方厚字叔將司寇允謙少子天性孝友書史外無他慕嘗曰文
者道之華未有無得於身心而能臻其妙者以故於義理之學

獨深早卒其父曰此子之志其不傳以世俗自結者也著有志堂草尋樂集

田河字子遠康熙戊午舉人未及試南宮卒河讀書制行期以古人爲法與弟沈澧同學於甬上陳太史錫嘏其所爲文競相傳寫

衛昌績福州知府立鼎孫康熙丙戌進士入翰林爲檢討居館閣者幾二十年雍正四年改官江南道監察御史出提督廣西學政秩滿更留久之罷歸昌績讀書過目輒能成誦於唐詩全帙隨舉無不記憶者工楷法兼工

國書有詩一卷藏於家

田嘉穀字樹滋康熙壬辰進士入翰林爲檢討擢監察御史嘉穀資敏悟過人觀書數行並下嗜學尤切手所鈔撰者動盈尺或勸少休答曰吾自樂此不知倦也其爲御史時以與刑部爭獄事不肯署名遂罷歸爲雍正甲辰歲十三年乙卯纂修郡志優游十餘年而終子圻癸卯舉人選浙江餘杭令到官甫一夕卒陳元字長公賦性誠敏受業於叔父昌期教以立品爲先次及制藝由進士改庶常博覽古人傳記奇詭之文目不再涉而談論娓娓下筆如風起泉湧千萬言頃刻就性不喜言利與人爭事

準乎道義所謂苟且附會不爲也弟文貞相國以文章名
內得於元教居多徵

國史祀郡鄉賢

陳隨貞字季嘉廷弼子天資俊逸學問宏深康熙己丑進士選翰
林院清書庶吉士請假回籍不復仕進所作詩歌文詞皆不經
人道書學董文敏得其神髓喜山居不歷城市築名園詩酒瀟
灑以終著立誠堂集寄亭詩草

陳壯履字幼安文貞相國第三子力承家學素擅鴻詞由進士選
清書庶吉士散館授檢討擢左春坊諭德遷日講起居注翰林

院侍讀學士

內廷供奉中外以文章著名著潛齋詩集

陳咸受字若谷廷繼子穎異不羣束髮受書寓目卽能成誦十三
歲入黌序試輒冠軍後以明經

廷試一等授靈石教諭興廢舉墜文教振興士子靡不矜式俸滿
爲當事提薦適丁內艱不復仕性孝友父早歿常以不及色養
抱憾終天處兄弟間式好無尤晚益靜簡屏出浮囂著福廬詩
集

田琦字楚白化源里人遊庠後功令始試以詩出筆卽工

趙周歷覽名山川歸澤集詩古論文成無虛日

樹一幟著濩澤草堂詩集爲湘潭名士石鴻翁昆季所賞並序

宋裕字恬庵崇善里人幼嗜學弱冠舉於鄉嘉慶丁丑春闈報罷
挑取

國史館膳錄與修一統全書事竣與叙知縣傳經志切改教職授

汾陽教諭不與交教聲噪士林堂兄睿司訓絳縣堂弟哲秉鐸

山陰察未仕俱爲名孝廉時有一門四傑之譽

田稭字莪陶化源里人少貧嗜學十齡知辨問經自受業於田馱

坳孝廉田霖普名諸生皆目爲才子時周石芳學使得曲沃名

士張子特每詡奇才無敵稭輕之學使偵其言令對試稭忻然

樂從局試三場題無體不備工力悉敵道光乙酉舉於鄉乙未

成進士選朔平府教授不赴主講邑仰山書院文藻瀟灑啟悟

多人旋授陝西長武知縣培學校革陋規政績以廉明著未滿

任告歸種菊吟詩著作柳亭詩集行世

張晉字雋三潤城人篤學好詩博衿輒棄去游學閩越燕齊間擴

其胸襟詩益工歸與延君壽諸人倡和無虛日其徒李毅工詩

賦受知於周石芳學使詢其師資以晉對因聘入幕每成一藝

擊節欣賞爲序其集曰若雋三詩豈獨雄視三晉卽以名天下

不愧也同時詩人如劉松巖法枯門拳載園楊恭賢鄭清存
不絕生平不妄于人阮太傅元陶尚書澗皆以未得見爲憾
撫軍張芷江稱其詩有郭林宗風非虛譽也著有艷雪堂詩擬
明史樂府行世
張域號梅庵晉子詩有父風以舉人應榆次長子訓導所至以詩
文課士時有庾鮑之稱尤工書字畫秀勁酷肖劉石庵筆意遠
近索書者填其門棄官後縱情詩酒雖饑寒不繼吟咏如常著
有香雪齋詩鈔待刊

田瓚字錫鬯文端相國曾孫篤實嗜學食餼後博覽羣書不求進
取好吟咏於邑之先哲有節行者各紀以詩並搜前乘所遺者
二十餘人立傳彙冊以待續修縣志備採訪焉著有錫鬯詩存
第珽歲貢生姪學遜原生皆能承繼家學珽尤精醫術子孫列
膠庠者五人

李毅號松溪白巷里人賦質高明外濁內清讀書十行並下詩人
張晉教以詩五年而工雅絕倫補博士弟子員周石芳學使愛
其才攜至京師詩名噪一時而白眼傲世卒困於遇落魄歸家
無儋石儲毫不介意日以詩酒徜徉爲樂年三十二卒邑人延
君壽爲刻其松溪詩彙行世

王豫泰字介三白巷里人貢生博學工詩專攻古近體樂府
于詩人張晉時延君書續樊南詩社豫泰與社友相倡和
虛日清介自持不求仕進著此山房詩集宋史樂府行
世

盧聯璪字星崖崇董里人性嚴正本家學淵源年十三應童子試
卽冠軍越歲入庠邑侯王元枹愛其才令隨襄垣任讀書學益
富歸授徒里中士林多所成就以舉人秉鐸河津兼主講龍門
書院實心訓士以上官保薦授湖北公安知縣壬子分校荆閩
所得多知名士調署遠安縣時粵匪猖獗鄂渚城陷餘寇逼遠

安土匪藉爲亂聯璪勦賊撫民六十餘日露居寒灘不勝煩苦
旋改襄陵教諭問字者雲集如在龍門時一生著作繁富存有
七經貫旨四書集解未成卒於官

王適徽字芟沔瑤臺少子幼聰穎七歲能詩由拔貢分發河南直
隸州州判以母病棄官歸養栽花竹簪萊綵日侍庭幃母歿後
改教職加內閣中書銜家居二十餘年酷嗜吟咏與賓朋相倡
和癸酉丁卯賊氛兩擾縣境防堵有效主講仰山書院著芟沔
詩集兄適醕增貢生亦奇才讀書過目不忘爲文千言立就以
弟適昭貴得

弟適昭貴得

田如鑄字慕宜化漢里曾生其先世忠烈世福名臣六善均
傳如錫性恬淡以稱素封兄弟不善理財家中落無絕言傳以
友愛全其孝詩宗韋孟字仿趙蕘衛廣都刺史爲之傳以其品
爲儒林之逸者與從兄銘迭相酬唱銘先王詩食餘後爲蔡歷
廩學使賞識文存山右詞壇

助

于士興貧士也舌耕郡城歲暮歸道經葦町鎮遇索債者逼一人
窘甚士興曰吾囊金九兩有奇如毀券當爲代償索者如其言

慨予之次年子琇生又三年子瓚生皆舉於鄉

賈志儒慷慨好施予稱人善如不及未嘗言人過兄弟五人先亡
者二遺孤婚嫁皆志儒任其事閭閻有爭者往質之立爲解散
鄉里多其義

郭文會正統中歲大荒出粟二千石賑濟奉旨監坊旌異案旌勅止言于
二十石

栗文輝成化中遇荒出粟千石賑濟邑令監碑紀其事

王海字大量上佛里人幼從父賈河南數能捍賊患義氣激發日
無艱鉅生平未嘗讀書而雅好士人其立義舉義塚濟急周困

爲善若渴官表其閭三原馬理爲文紀其事

陳仲弟輕財好施設義塚資城費賑荒歲里閭賢之後爲湖廣澧州同知有惠政

楊重光邑諸生嘗於塗見隣人婦遺金環拾而歸之不有也年飢收族戚數口於家而食之得免餒死鄉閭義之

馬世德字建亭鴻臚寺序班累貲巨萬好義輕財凡諸親友以假貸至者酌其親疎緩急量力賙卹俱不責償異日故終其身內外姻友稱其嫻睦人無間言

王海上義里人萬厯丙戌歲大饑輸粟五百石有司以聞詔表其

門

陳大億歲荒出粟千五百石賑濟奉勅旌異建坊所居之游仙里

張垂芳萬厯間歲屢荒輸粟二百石奉旨匾其門曰博施賑饑又

縣東坡官路遇雨泥濘者捐貲以石砌之有碑記府志云輸粟千石賑荒而

舊志亦云屢荒輸粟二百石則輸粟不止一次合得千石爾

乾隆舊志以郭文會粟文輝陳大億張垂芳共爲一傳謂皆

成化中歲荒出粟助賑者而削去上義里之王海以爲卽上

佛里之王海謂佛義二字或有訛今考郭文會府志以爲正

統時而康熙舊志王海係萬厯丙戌歲賑饑者張垂芳亦萬

歷問人陳大億列王海張垂芳間則亦係萬歷時人可知然則惟栗文輝或係成化時人爾舊志誤以數人事爲一時事又誤以兩王海爲一人考上佛里之王海旌於正德嘉靖之間而上義里之王海旌於萬歷時非一人也

吳應奎孝子茂五世孫性孝友兄弟同居好施不吝歲饑輸粟助賑臺府旌爲善人

陳三樂字同倫文貞相國會祖隱居自甘爲善不倦歲祲減殮以俟餓者令息槐陰下飯遣之往來不絕至今槐陰坐石宛然歲晚感寒疾就寢哭有告急者欲起遣以金母阻之曰風厲甚可詰朝見復臥輾轉不寐婉謂母曰人遇急來求度刻如年兒慮之不寐是兩不安也急起括囊中金與之笑曰可以安寢矣其陰德類是甚多

陳經濟字伯常文貞相國祖高蹈不仕篤孝尚義鄉黨推重之人有爭訟以片語解之無不悅服里人有甯爲刑罰所加不爲陳君所短之譽祀郡鄉賢祠徵入一統志

吳志在明末諸生值流寇肆虐冀南一道被其焚掠者甚衆時上官思得力能止亂者志在往應聘協同武弁統領兵民數千出討賊賊因遁去濫澤居民安堵如故

王重新生有計智去爲賈不數年費雄邑中矣明末寇亂重新以金七千築郭峪砦使拒賊者守之庚辰大饑悉發其家粟以賑餓者順治甲申賊劉忠攻陽城垂陷重新出金募死士馳報大兵以援師至圍乃解大同姜瓖之反也陽城人有應逆者臺省疑之將以兵蕩勦禍且及城邑重新聞之力請於軍門謂受賊僞符特一二奸桀者縣人固不知且縣人亦安肯從賊反耶事乃得止重新於先時常與盜遇將殺焉有向賊叩頭願代戮者知其僕也賊多其義並重新釋之

王杞立平里人有膽勇順治初流賊逼縣郭杞與衆守禦有勞會山西兵備副使引官軍勦賊邑令恐軍至波及良民多戮無辜遣杞與吏役前迎自事吏皆畏懼于中道亡去杞獨奮身前告主兵者以邑民與賊異情狀明白遂得安全或曰方劉忠犯陽城時王重新所募死士報大兵者卽杞其人也

陳昌期號魚山郭峪人性仁厚學博不仕燕居圖書滿前教子弟以道義明季之亂與兄昌言築砦樓禦寇保聚一鄉賊壓境擬如州請援絕樓下縋絕幾危有義僕李忠者救之而上得安賊致圍數日以爲水絕必出乃從樓揚水以示賊始去蓋樓下預

掘井也後姜瓖變賊黨張光據州屬書以掘井為名
罵不絕口賊怒圍樓三晝夜旋聞

天兵北下解圍散歲大祲倒困傾篋以濟饑者焚負券巨萬里人
上事請

旌昌期聞而止之曰濟人豈可近名懷德者為立石通衢接數十
里以表之其隱德不能殫述迨長子廷敬為名宰相科第數世
纏綿人以為厚德之報祀郡鄉賢祠徵入一統志

張錦號菊知化源里人學問淵博性情古奧以舉人任清豐知縣
為民興利除害素強項屢忤上官以事謫戍尋赦歸詩酒自娛
時邑多積弊民力不堪錦請于邑令宋本敬請革其弊鄉民德
之以骨肉鄉閭額其門著有蜃樓集塞外詞迴文賦梅花菊花
各百二吟擬古雜體諸詩行世

張依仁字伯純敦仁兄方剛好義凡事關鄉社秉公以濟明季濶
城築堡禦寇堡臨泊水歲久基址摧裂依仁倡捐千餘金完築
如故居民賴以不恐

陳汝樞字環中咸受子剛方篤實見義必為雖疎遠周卹無不至
常括囊中金為其先世贈公以下置祭田事關鄉黨罔不任勞
任怨性梗直往往面斥人過皆心服無怨言乾隆壬子歲大饑

減已食以濟貧乏者無積而能散人以為難能也

李維傑武生上佛人臨終謂子曰本村文社積項無多吾欲捐山

田百畝益之勿吝也歿後兩子遵其遺命迄今文社賴之

馬志經上佛人貌魁梧有膽識少商於太康朱口鎮值歲荒饑民
欲聚眾為亂志經倡眾輸粟躬親賑濟民賴以安

劉元鈞字如陶性光明正直慷慨好施事母孝曾買小僕服役多
年僕母見之而泣乃還其券助貲遣歸親友貧者必周卹之年
九十卒子澁見人物

趙誌監生上佛里人村東山徑崎嶇行者苦之誌輸五百金修治

陳從誥監生遊仙里人感豐稟申捐米八十石濟荒姪安貞以二十石益之

李重勤上佛里人賈於新安集道光癸卯河決中牟水將至
乃出己貲堅築堤岸鄉人賴以無恐

隱逸

元

王勵元時進士至正中知天下將亂遂不求仕去為道士居太清

觀學導引術觀中至今有其遺跡

明

王充耘善詩賦嘗知正齋居之終身不出出入雖與隣東望

王洽萬歷乙酉舉人隱居不仕沈潛經籍出入經史劉東星張慎
言極稱之

王兆河字龍川國光子萬歷壬午舉於鄉性溫恭恬退少年得雋
王終身不仕嘗題壁自警云不佞兢兢業業無事恒若有事無患
不恒若有患不敢妄出一語不敢藐視一物不敢奢起一念不敢
輕移一步終日跼蹐若宇宙無容身之地其恭慎如此

楊鵬翼字子羽崇禎庚辰進士授會稽令有德於民值甲申國變
棄官淪浙東僮僕負囊醉仆遺其囊爲主人所得察知因此楊
公行李敢隱乎遂送致其所順治初還里杜門謝跡人罕見之
著有圃亭詩集

王隆爲人孝友謹信安貧好學無意仕進長於勸善鄉邑傾慕有
王彥方之風年八十餘攜冊諷詠嘗題希夷高卧圖以自况其
詩曰沛京龍虎風雲會華岳壺蘆日月長非是先生眞愛睡達
人羞看利名忙

國朝

田彤邑諸生侍御嘉穀父先世仕元家渭南明初因隱跡來陽城
山中彤幼卽恂謹孝友踰壯始補弟子員爲文不拘特好擺脫
一切獨邃深古學手鈔續書凡數十卷每開卷必敬恭如晤對

古人教生徒不問其
百人無不愛且教大
計已之有無亦不責
編修孫圻雍正癸卯舉於鄉

張文炳字子潛家至貧
而刻苦玩學久久稍成
司寇白東谷見而賞焉
晒藥掃殘雪句爲文貞
語胡列爲長其聲價于
是長洲韓宗伯新城王
可冠仁和湯少

宰諸公皆以相國故爲
子潛賦詩子潛素孝友
有弟張肆於市頗僥倖
人一日其子亦爲之子
潛怒曰而欲爭叔利耶
即使撤去之其篤摯如
此少子瓊康熙丁酉舉
人孫權乾隆辛酉舉山
西鄉試第一人

張爲基字禮垣潤城里
人邑諸生慧而好學不
求仕進未弱冠學已稱
富遂下太行渡黃河遊
伊洛嵩邱歷覽名勝以
發胸中奇氣歸與張晉
陳法于延君壽日事嗶
酬瓢飲自適絕不干人
號騷壇四逸著有青蘿齋
詩集

陳法于字金門文貞相
國曾孫性恬雅工詩邑
諸生所居竹木

疎非購書選勝足不履塵市嗜古錢著歷代刀布甚富著身
多名人題詠著秀野山房詩集時皆以隱君子稱

陳雲珊龍泉里人布衣性古峭篤學不試家貧居破屋一椽中年
喪耦不再娶課三子耕田自給終歲閉戶吟誦家無藏書假於
人不窮其蘊不止爲小尺牘古趣盎然不輕造謁偶至士大夫
家衣敝履穿無傲容亦無慚色清談極歡而去延君壽以爲可
與張麋田並傳

樊大基字梅軒王子街人布衣性豪邁能詩不求仕進著北游詩
草行世

王炳照號南村乾隆丁酉拔貢究心詩學不求仕進王書允精內
典家貧自適吟眺山水間往往與田父傭保雜飲從不干人白
眼傲世將歿自書墓石曰青蘿山人王南村之墓著介雅堂詩
集行世

25389



